

Tikitiki o Pūtea

'ASB

Whāia te iti kahurangi

Ngā Rauemi - Tau 7-8

Whāia te Iti Kahurangi

Pērā i a Māui, kua ako koe ki te whai i te iti kahurangi ki te whakamahere i āu mahi penapena pūtea.

Nā, me whakaharatau tātou!

Āwhinatia a Moana ki te whakaoti mahere whetū mō tōna whānau, kātahi ka whakarite koe i tētahi mō te whāinga a tōu ake whānau!



Kei te pīrangi a Moana, rātou ko tāna taina a Mariah, tōna māmā me tōna pāpā ki te haere ki te mātakitaki i te kiriata hōu o Marvel. Kei te pīrangi haere ki te whakaaturanga rawe me ngā tūru hāneanea, ka whiwhi kai hoki.



Tuhia te whāinga a Moana - **Whāinga**

E \$50 te utu mō ngā tīkiki o te whānau, me te \$6.60 utu tāpui.

E mōhio ana a Moana rāua ko Mariah ki ngā kai e hiahiatia ana e rāua - Te rourou Kai Horotai mā te 4 tangata, e \$220 te utu. He hanawiti tākai huamata, he inu, he huarākau, he kanga pahū o roto.



Tuhia te tapeke - **Utu**





Ka kōrero te whānau ka pēhea rātou e whiwhi pūtea mō te pō kiriata.

Ka whakaako a māmā i tētahi ākonga piana anō, ka kohaina te haurua o te utu mō te akoranga (\$25) i ia rua wiki.

Ko tā pāpā, kei te pukumahi ia, nō reira kua kore e mahi i tētahi atu mahi tāpiri, engari ka koha hoki i te \$25, pērā i a māmā, i ia rua wiki.

Ka tono a Mariah ki te hari i ngā kurī tūtata ki te hīkoi haere. Ka whiwhi \$10 i ia wiki. Ka pupuri a Mariah i te \$5 ki tāna ake pūtea penapena, ā, ka kohaina te \$5.

Ka hokona atu e Moana he kutarere kua pakupaku mōna. He pai te āhua, ā, ka hokona e tana hoa mō te \$50. Ka kohaina te \$25, ā, ka puritia te \$25.

- ★ Tuhia ka pēhea te whānau e whiwhi pūtea mō te kiriata - **Ngā huarahi whiwhi moni**
- ★ Tuhia te nui o te pūtea ka whiwhi te whānau i ia wiki mā te tāpiri i ngā moniwhiwhi katoa - **Ngā moniwhiwhi ā-wiki**
- ★ Tuhia te nui o te pūtea ka penapenahia e Moana rāua ko Mariah mō ā rāua whāinga, e kore ēnei moni e kohaina mō te haere ki te kiriata - **Ngā moni penapena ā-wiki**
- ★ Whiriwhirihia e hia ngā wiki e tutuki ai i te whānau te penapena i te moni - **Ngā wiki e tutuki ai te whāinga**

Tiwhiri: Tangohia te moni ka utua mō te kutarere a Moana, ka whakawehea te toenga o ngā moni ki te nui o te moni ka kohaina e te whānau i ia wiki.

Mā konei kitea ai e hia ngā wiki e penapena moni ai te whānau.

Ka whakatau a Moana me tōna whānau ki te pupuri i ā rātou pūtea mō te kiriata ki tētahi pouaka pūtea ki runga i te pouaka mātao. Ka tāpirihia he pānui whakaahua o te kiriata ki te pouaka mātao kia maumahara ai ki tā rātou whāinga.

Kia tae ki ngā hararei kura e whai ake nei, ka haere a Moana me tōna whānau ki te whare pikitia!




Tō Mahere Whetū Pūtea

Whāinga



Utu



Ngā huarahi
whiwhi moni

Four yellow stars, each next to a blank white rectangular box for writing.

Ngā mihi nui!
Ka penapena
pūtea mō te
aha ināianei?

Ngā wiki
e tutuki ai
te whāinga



Ngā moniwhiwhi
ā-wiki



Ngā moni
penapena ā-wiki



Ka Mau te Wehi!

Rawe, kua hangaia e koe tētahi mahere penapena
mō Moana koutou ko tō ake whānau! Nā te whakarite
mahere penapena i tata ake ai koe ki tō whāinga pūtea.

Ka wani kē, kua piki koe ki te taumata
Tikitiki o Pūtea!

Papa kupu

Te reo o tēnei rauemi:

Te Reo Māori	English
Kura	School
Pūtea	Money
Whānau	Family
Ka nui te mihi, kua tata ake tō noho matatau ki te whakahaere moni!	Congratulations, you're one step closer to mastering money skills!

Ētahi atu kupu whai take:

Te Reo Māori	English
Whetū	Star
Mahere Tahua	Budget
Tiki Pūtea	Earn
Penapena	Save
Utu	Cost

Tō Mahere Whetū Pūtea

